



Venezuelo adoptas defendregulaĵojn pro atakoj kontraŭ la landa monunuoj.



Caracas, 14 dec (RHK) La registaro de Venezuelo, prezidita de Nicolás Maduro, aprobis diversajn regulaĵojn por superi la negativajn sekvojn provokitajn pro la atakoj faritaj kontraŭ la nacia monunuoj, organizita de Usono kaj Kolombio, kun lokaj dekstrulaj kunagantoj.

Per komunikado de la prezidento Maduro, li instruis la sistemon de dogana kaj imposta administracio, kaj de la banko- kontrolejo, “fiksi tujan rabaton je 2% en la impostoj je la aldonita valoro (IVA) por aĉetoj faritaj elektronike per bankaj kartoj aŭ transkontigoj”.

Alia instigo estas “la kreado de tri bankaj produktoj kun interezo-indikiloj je 10% monata por ŝpardeponoj ĝis 200 mil bolivarioj je tempolimoj de 30, 60 kaj 90 tagoj, liberaj je banka komisiono kaj de iu ajna elspezo kontrakta”, laŭ raportis la televida ĉeno Telesur.

Kiel sekvo de la eligo de monbiletoj de 100 bolivarioj al Kolombio, la venezuela registaro forprenis ĝin el la cirkulado kaj ekde la 16-a de decembro ĝi restos senvalora ene kaj ekstere de la lando. Tiu ĉi decido klopodas elimini la mafiojn de la monŝanĝejoj en la landlima zono.

La venezuelanoj povas ŝanĝi la monbiletojn de 100 bolivarioj en la publika banko dum 72 horoj kaj poste devos tion fari en la Centra Banko de Venezuelo.

Por faciligi la procezon la registaro ankaŭ ordonis simpligi la bezonatajn demarŝojn por malfermi bankajn kontojn kaj efektivigis kontrolojn por plenumi inventariojn de moneroj kaj monbiletoj disponeblaj, kun la celo certigi ĝian disponeblecon al la civitanaro, indikis la komunikado.



RADIO HABANA CUBA

Artículo Editado por Maritza Gutierrez González
14/12/2016 09:08:54
